

SPORAZUM O NAUČNOJ, OBRAZOVNOJ I STRUČNOJ SARADNJI IZMEĐU

VISOKE ŠKOLE „CEPS - CENTAR ZA POSLOVNE STUDIJE“ KISELJAK (U DALJEM TEKSTU „CEPS“)

I

FEDERALNE UPRAVE CIVILNE ZAŠTITE (U DALJEM TEKSTU „FUCZ“)

Vodeni željom i potrebom za uspostavljanjem međusobne saradnje u oblasti nauke, obrazovanja i struke,

Spremni na efikasnu saradnju koja će doprinijeti razmjeni iskustava i znanja,

Potvrđujući zajedničko zalaganje i interes za unaprijeđivanjem saradnje u oblasti edukacije i naučnog istraživanja,

„CEPS“ i „FUCZ“ usaglasili su se o slijedećem:

Svrha i oblast saradnje

Član 1.

Saradnjom će se uspostaviti partnerski odnosi između strana u stručnoj, obrazovnoj i naučno-istraživačkoj oblasti.

Način ostvarivanja saradnje

Član 2.

Strane će međusobno sarađivati kroz razne oblike, a posebno kroz:

1. Mogućnost zajedničkog organiziranja naučno-istraživačkih aktivnosti, konferencija, simpozija, seminara, radionica,
2. Razmjenu stručnih i naučnih informacija kroz razmjenu časopisa, elektronskih časopisa, publikacija, udžbeničke literature i drugog stručnog materijala, resursa i usluga na osnovu reciprociteta,
3. Izradu zajedničkih istraživačkih projekata,
4. Promociju individualnih kontakata među akademskim i stručnim kadrom,
5. Razmjenu akademskog i stručnog kadra u redovnim i posebnim edukativnim procesima u kojima strane učestvuju,
6. Izradu programa usavršavanja akademskog i stručnog kadra,
7. Poticaj aktivnosti od zajedničkog interesa obje institucije,
8. Proučavanje problema od zajedničkog interesa i pronalaženje najboljih načina njihovog rješavanja,
9. Druge oblike saradnje od zajedničkog interesa.

Upotreba dokumentacije i stručnih radova

Član 3.

Strane će, uz potpuno uvažavanje autorskih prava i zaštite ličnih podataka, voditi računa koje analize ili druge stručne radove i do koje mjere mogu učiniti dostupnima javnosti i drugim nadležnim organima.

Izmjene i dopune Sporazuma

Član 4.

Ovaj Sporazum podliježe izmjenama i dopunama, uz pisanu saglasnost obje strane.

Važenje Sporazuma

Član 5.

Ovaj Sporazum se zaključuje na neodređeno vrijeme, a stupa na snagu danom potpisivanja.

Prestanak Sporazuma

Član 6.

Sporazum prestaje važiti njegovim otkazom jedne od strana u pisanom obliku.

Strana koja traži raskid Sporazuma, dužna je obavijestiti u pisanom obliku drugu stranu, najmanje šest (6) mjeseci prije dana određenog za raskid Sporazuma.

Član 7.

Ovaj Sporazum je sastavljen u dva (2) istovjetna primjerka, od kojih svaka strana zadržava po jedan (1) primjerak.

Broj: 351/17

Datum: 08.06.2017

Za "CEPS"

Mirzo Selimić,
Direktor



Za EUCZ

Fahudin Solak,
Direktor

